

ODLUKA O IZBORU NAJPOVOLJNIJEG PONUĐAČA PREGOVARAČKI POSTUPAK BEZ OBJAVE OBAVJEŠTENJA

Broj: 09-14-1725-14/17

Datum: 26.04.2017. godine

Na temelju člana 64. stav (1) tačka b), člana 70. stava (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), Zapisnika o ocjeni konačne ponude broj: 09-14-6-1725-12/17 od 26.04.2017. godine i Preporuke za izbor najpovoljnijeg ponuđača broj: 09-14-6-1725-13/17 od 26.04.2017. godine, u postupku javne nabavke Pružanje usluge održavanja aplikativnog softvera – Informacioni sistem za planiranje u upravljanju budžetom „BPMIS“, Federalna ministrica financija –financija donosi

ODLUKU O IZBORU NAJPOVOLJNIJEG PONUĐAČA U PREGOVARAČKOM POSTUPKU BEZ OBJAVE OBAVJEŠTENJA

Član 1.

Prihvata se Preporuka Stalne komisije za javne nabavke broj: 09-14-6-1725-13/17 od 26.04.2017. godine i ugovor za javnu nabavku Pružanje usluge održavanja aplikativnog softvera – Informacioni sistem za planiranje u upravljanju budžetom „BPMIS“, dodjeljuje se ponuđaču „**Ava Com Group**“ d.o.o. Mostar, konačna ponuda broj: QUO-02007-H3G6JO od 24.04.2017. godine za ponuđenu cijenu od **47.969,46 KM**, bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču „Ava Com Group“ d.o.o. Mostar, po proteku roka od 15 dana od dana od kada je izabrani ponuđač obaviješten o izboru u skladu s članom 28. stav (8) Zakona o javnim nabavkama.

Član 3.

Za izvršenje ove odluke zadužuje se i ovlašćuje Sektor za ekonomsko – finansijske i zajedničke poslove.

Član 4.

Ova odluka objavit će se na web-stranici Ministarstva: www.fmf.gov.ba istovremeno s upućivanjem ponuđaču koji je sudjelovao u postupku javne nabavke, u skladu s članom 70. stav (6) Zakona o javnim nabavkama Bosne i Hercegovine

Član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu s članom 71. stav (2) Zakona o javnim nabavkama Bosne i Hercegovine.

MINISTRICA

Jelka Miličević

Obrazloženje

Postupak javne nabavke pokrenut je Odlukom o pokretanju postupka javne nabavke broj: 09-14-6-1725/17 od 08.03.2017. godine. Javna nabavka se provodi putem pregovaračkog postupka bez objave obavještenja. Procijenjena vrijednost javne nabavke bez PDV-a je 60.000,00 KM.

Stalna komisija za provođenje postupaka javne nabavke roba, vršenja usluga i izvođenje radova za 2017. godinu za Federalno ministarstvo financija – finansija imenovana je Rješenjem broj: 03-05-1-1182/17 od 20.02.2017. godine.

Stalna komisija za javnu nabavku dostavila je dana, 13.04.2017. godine Zapisnik o ocjeni kvalificiranih kandidata broj: 09-14-6-1725-5/17 od 12.04.2017. godine i Preporuku za izbor kvalificiranog kandidata, broj: 09-14-6-1725-6/17 od 12.04.2017. godine, u postupku javne nabavke Pružanje usluge održavanja aplikativnog softvera – Informacioni sistem za planiranje u upravljanju budžetom „BPMIS“.

U Zapisniku o ocjeni kvalificiranosti kandidata utvrđeno je da je Komisija za javnu nabavku blagovremeno i pravilno izvršila otvaranje ponude i ocjenu prispele ponude i utvrdila sljedeće:

- da je broj zaprimljenih zahtjeva za sudjelovanje 1 (jedan);
- da je ukupan broj pristiglih ponuda/dokumentacija za fazu kvalifikacije 1 (jedan);
- da je blagovremeno zaprimljena jedna ponuda/dokumentacija za fazu kvalifikacije;
- da nema neblagovremeno zaprimljenih ponuda/dokumentacija za fazu kvalifikacije;
- da je ponuda kandidata Ava Com Group d.o.o. Mostar kvalificirana.

Stalna komisija za javnu nabavku održala je dana 14.04.2017. godine pregovore s kandidatom: Ava Com Group d.o.o. Mostar u pregovaračkom postupku bez objave obavještenja - Pružanje usluge održavanja aplikativnog softvera – Informacioni sistem za planiranje u upravljanju budžetom „BPMIS“. Na sastanku se pregovaralo o tehničkim aspektima ugovora u smislu upoznavanja s odredbama tehničke specifikacije i načina realizacije istih. O pravnim aspektima ugovora se nije pregovaralo.

Kada su u pitanju ekonomski aspekti ponuđenog ugovora pregovaralo se o smanjenu ukupne ponuđene početne cijene vrijednosti ugovora na način da se koriguje iznos za paušalno pružanje funkcionalne i tehničke podrške – godišnje.

Ukupna početna ponuda broj: QUO-02007-H3G6JO od 10.04.2017. godine kvalificiranog kandidata Ava Com Group d.o.o. Mostar, iznosila je 59.969,46 KM. Po okončanim pregovorima postignut je dogovor o popustu od 12.000,00 KM na ime pružanja funkcionalne i tehničke podrške – godišnje/paušalno.

Stalna komisija za javnu nabavku dostavila je ponuđaču „Ava Com Group“ d.o.o. Mostar dana, 18.04.2017. godine Poziv za dostavu konačne ponude za pregovarački postupak bez objave obavještenja broj: 09-14-6-1725-10/17 od 17.04.2017. godine.

Nakon što je ponuđač „Ava Com Group“ d.o.o. Mostar dostavio konačnu Ponudu za pregovarački postupak bez objave obavještenja broj: QUO-02007-H3G6JO od 24.04.2017. godine, Komisija je sačinila Zapisnik o ocjeni konačne ponude kandidata broj: 09-14-6-1725-12/17 od 26.04.2017. godine i Preporuku za izbor najpovoljnijeg ponuđača broj: 09-14-6-1725-13/17 od 26.04.2017. godine - da se ugovor za javnu nabavku: Pružanje usluge održavanja aplikativnog softvera – Informacioni sistem za planiranje u upravljanju budžetom „BPMIS“ dodijeli ponuđaču „Ava Com Group“ d.o.o. Mostar, konačna ponuda broj: QUO-02007-H3G6JO od 24.04.2017. godine za ponuđenu cijenu od 47.969,46 KM, bez PDV-a.

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu s kriterijima iz tenderske dokumentacije.

U postupku ocjene provedenog postupka, Federalna ministrica financija –finansija nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke Stalne komisije za javnu nabavku.

Naime, u postupku je ocijenjeno da je Komisija u svemu pravilno postupila te da je kvalificiranost ponuđača izvršena u skladu sa Zakonom o javnim nabavkama Bosne i Hercegovine, te je nesporno da je ponuđač „Ava Com Group“ d.o.o. Mostar kvalificiran.

POUKA O PRAVNOM LIJEKU:

Svaki ponuđač koji ima legitimni interes u predmetnom postupku javne nabavke, a koji smatra da je ugovorno tijelo u toku postupka prekršilo jednu ili više odredbi Zakona o javnim nabavkama ima pravo uložiti žalbu u pisanoj formi u skladu s članom 99. i članom 101. Zakona o javnim nabavkama.